

水經注箋卷第四

漢 桑 欽撰 後魏 酈道元 注

明 李長庚訂 孫汝澄

朱謀埠箋 李克家全校

河水四

河水又南過河東北屈縣西

河水南逕北屈縣故城西十里有風山上有穴如輪風氣蕭瑟習常不止當其衝飄也而略無生草

事類賦引此作當其衝所略無生草蓋不定御覽引此作衆風之門

故也風山西四十里河南孟門山山海經曰孟門

木經注箋 卷四 熊文寫 王明刻 三百五十二

之山其上多金玉其下多黃堊涅石淮南子曰龍

門未闢呂梁未鑿河出孟門之上大溢逾流無有

丘陵高阜滅之名曰洪水大禹疏通謂之孟門故

穆天子傳曰北登孟門九河之蹬孟門即龍門之

上口也實謂黃河之巨阨兼孟津之名矣此石經

始禹鑿河中漱廣夾岸崇深傾崖返捍巨石臨危

若墜復倚古之人有言水非石鑿而能入石信哉

其中水流交衝素氣雲浮往來遙觀者常若霧露

沾人窺深悸魂其水尚崩浪萬尋縣流千丈渾洪

轟怒鼓若山騰濬波頽疊迄于下口方知慎子下

鄭道元傳
其水半
其注別
記其利
通則詩也

龍門流浮竹非駟馬之追也慎子云河下龍門其流駛竹箭駟馬追之

河水又南得鯉魚

歷澗東入窮溪首便其源也爾雅曰鱣鮪也出鞏穴三月則上渡龍門得渡為龍矣否則點額而還非夫往還之會何能便有茲稱乎

河水又南羊求水入焉

東出羊求川西逕北屈縣故城南城即夷吾所奔邑也王莽之朕北也汲郡古文曰翟章救鄭次于南屈應劭曰有南故加北國語曰二五言於獻公

水經注箋

卷四

二

王明
三百五

曰左傳云晉獻公外嬖梁五與東關嬖五晉人謂之二五耦蒲與二屈君之疆也其水西流注于河

河水又南為採桑津

春秋僖公八年晉里克敗狄于採桑是也

又南過皮氏縣西

赤水出西北罷谷川東謂之赤石川東入于河

河水又南合蒲水

西則兩源並發俱導一山出西河陰山縣王莽之山寧也陰山東麓南水東北與長松水合水出西三陽山東東北流左入蒲水蒲水又東北與北溪

會同為一川東北注河

河水又南逕丹水西南

丹陽山東北逕冶東俗謂之丹陽城城之左右猶

有遺銅矣

漢書食貨志注云金有三品丹陽銅為赤金神異經云丹陽銅似金可煅以作

錯塗之器

其水東北會白水口水出丹山東而西北注

之丹水又東東北入河

河水又南黑水注之

宋本鈔本俱無注之二字

西出丹山東而東北入于河

河水又南至嶧谷傍

東北窮澗水源所導也西南流注于河

水經注箋

卷四

三

揭文華

河水又南洛水自獵山枝分東派東南注于河

一作大河

昔魏文侯築館洛陰指謂是水也皮氏縣王莽之

延平也故城在龍門東南不得延逕皮氏方屈龍

門也

又南出龍門口汾水從東來注之

昔者大禹導河積石疏決梁山謂斯處也即經所

謂龍門矣魏土地記曰梁山北有龍門山大禹所

鑿通孟津河口廣八十步巖際鑿跡遺功尚存岸

上并有廟祠祠前有石碑三所二碑文字紊滅不

可復識一碑是太和中立竹書紀年晉昭公元年

洪書地理志丹
水經注中赤
金并指銅者即
指此道元誤以
金山管耳

河赤于龍門三里

謝兆申云宋本作河水赤于龍門

梁惠成王四

年河水赤于龍門三日京房易妖占曰河水赤下

民恨

河水又南右合暢谷水

水自溪東南流逕夏陽縣西北東南注于河

孫云史記

秦紀惠文君十一年更名少梁曰夏陽

河水又南逕梁山原東

自原山東南出至河晉之望也在馮翊夏陽縣之

西臨于河上山崩壅河三日不流晉侯以此問伯

宗卽是處也春秋穀梁傳曰成五年梁山崩遏河

水經注箋

卷四

四

文華

水三日不流召伯尊遇輦者不避使車右鞭之輦

者曰所以鞭我者其取道遠矣伯尊因問之輦者

曰君親縞素率羣臣哭之斯流矣如其言而河流

李克家云伯尊卽伯宗聲相轉也

河水又南岨谷水注之

水出縣西北梁山東南流橫溪注之水出于三累

山其山層密三成故俗以三累名山按爾雅山三

成爲崑丘斯山豈亦崑丘乎山水際有二石室

蓋隱者之故居矣細水東流注于岨谷側溪山南

有石室面西有兩石室北面有二石室皆因阿結

牖連肩接闕。所謂石室相距也。東廂石上猶傳梓
白之跡。庭中亦有舊宇。處尚髣髴。前基北坎。室上
有微涓石溜。豐周瓢飲。似是栖遊隱學之所。昔子
夏教西河。疑卽此也。而無辨之。溪水又東南逕夏
陽縣故城北。故少梁也。秦惠文王十一年。更從今
名矣。王莽之冀亭也。其水東南流。李克家云。此下疑脫一注字。
于河。昔韓信之襲魏王豹也。以木罌自此渡。
河水又南。右合陶渠水。

水出西北梁山。東南流逕漢陽太守殷濟精廬南。

舊本作精廬。尚謝兆申云。宋本作尚。在此脫一在字也。吳本改為精廬。南似誤矣。俗謂之

水經注箋

卷四

子夏廟。河水又南逕高門南。蓋層阜墮缺。故流東
門之稱矣。又東南逕華池南。池方三百六十步。在
夏陽城西北四里許。故司馬遷碑文云。高門華池
在茲。夏陽西城。北漢陽太守殷濟精舍。四里所。今
高門東去華池三里。溪水又東南逕夏陽縣故城
南。服虔曰。夏陽號邑也。在太陽東三十里城南。春秋
僖公二年。虞師晉師。滅下陽。杜元凱云。下陽號邑。在河東大陽縣。孫按。漢志。弘農陝縣注。故號。誠在大陽東。馮翊夏陽縣注。故少梁。龍門在北。則下陽。夏陽兩地也。公羊傳。下陽作夏陽。服虔因誤矣。又
歷高陽宮北。又東南逕司馬子長墓北。墓前有廟。
廟前有碑。永嘉四年。漢陽太守殷濟瞻仰遺文。大

相釋釋作垣
龍是桓字謂
河水也

其功德遂建石室立碑樹桓太史公自叙曰遷生於龍門是其墳墟所在矣溪水東南流入河昔魏文侯與吳起浮河而下美河山之固即於此也河水又西徐水注之

水出西北梁山東南流逕漢武帝登仙宮東東南流絕疆梁石逕劉仲城北是漢祖兄劉仲之封邑也故徐廣史記音義曰邵陽國名也高祖八年侯

劉仲是也孫云邵陽當作邵陽按史記高祖紀代王劉仲棄國亡自歸雒陽廢以為合陽侯索隱曰合陽屬馮翊正義曰在邵水之陽也其水東南逕子夏陵北東

入河

水經注箋

卷四

六

陳文海
三見上

河入又南逕子夏石室

東南北有二石室臨側河崖即子夏廟室也

又南過汾陰縣西

河水東際汾陰睢縣故城在睢側漢高帝六年封

周昌為侯國魏土地記曰河東郡北八十里有汾

陰城北去汾水三里城西北隅曰睢丘上有后土

祠封禪書曰元鼎四年始立后土祠於汾陰睢丘

是也又有萬歲宮漢宣帝神爵元年幸萬歲宮東

濟大河而神魚舞水矣昔趙簡子沈藥激於此曰

吾好聲色而是子致之吾好士六年不進一人是

過而點吾善君子以為能謹矣

呂氏春秋作樂也云是長吾過而繼

吾善也

河水又逕郃陽城東

周威烈王之十七年魏文侯伐秦至鄭還築汾陰郃縣卽此城也故有莘邑矣為大姒之國詩云在郃之陽在渭之涘又曰纘女維莘長子維行謂此也城北在北澆水南去二水各數里其水東逕其城內東入于河又於城南側中有澆水東南出城注于河城南又有澆水東流東注于河水南猶有文母廟前有碑去城一十五里水卽郃水也縣取

水經注箋

卷四

七

卸茂刊三百六

名焉故應劭曰在郃水之隈也河水又南澆水入

焉水出汾陰縣南四十里西去河三里平地開源

潰當作泉上湧大幾如輪深則不涸俗呼之為澆

魁郭璞爾雅注云汾陰有水口如車輪許渚沸涌出其深無限名之為澆古人壅其

流以為陂水種稻東西二百步南北一百餘步與

郃陽澆水夾河中渚上又有一澆水皆相潛通故

呂忱曰爾雅異出同流為澆水其水西南流歷朔

坂西西流注于河孫云朔坂當作蒲坂

河水又南逕陶城西

舜陶河濱皇甫士安以為定陶不在此也然陶城

古田山名

在蒲坂城北城即舜所都也南去歷山不遠或

或陶所在則可何必定陶方得為陶也舜之陶也

斯或一焉孟津有陶河之稱蓋從此始之南對蒲

津關汲冢竹書紀年魏襄王七年秦王來見于蒲

坂關四月越王使公師隅來獻乘舟始罔及舟三

百箭五百萬犀角象齒焉竹書紀年作越王使公師來獻舟三百箭五百

萬及八犀角象齒

又南過蒲坂縣西

地理志曰縣故蒲也王莽更名蒲城應劭曰秦始

皇東巡見有長坂故加坂也孟康曰晉文公以賂

水經注箋

卷四

八

四百五

秦秦人還蒲於魏魏人喜曰蒲反矣故曰蒲反也

薛瓚注漢書曰秦世家以垣為蒲反然則本非蒲

也皇甫謐曰舜所都也或言蒲坂或言平陽及漢

者也今城中有舜廟魏秦州刺史治太平遷都罷

州置河東郡郡多流離謂之徙民民有姓劉名墮

者宿擅工釀採挹河流醞成芳酎懸食同枯枝之

年排於桑落之辰故酒得其名矣懸食二語字有譌脫按洛陽伽

藍記云河東人劉白墮善釀酒六月中以罌貯酒曝日中經旬酒味不動飲之香美朝貴千里相餉

命曰鶴觴齊民要術云十月桑落初凍則收水然釀者為上時春酒正月晦日收水為中時春酒

香醕之色清白若滌漿焉別調氛氲不與侘同蘭

酒名

薰麝越自成馨逸方土之貢選最佳酌矣自王公庶友牽拂相招者每云索郎有顧思同旅語索郎反語為桑落也更為籍微之雋句中書之英談郡南有歷山也謂之歷觀舜所耕處也有舜井媯汭二水出焉南曰媯水北曰汭水迺歷山下上有舜廟周處風土記曰舊說舜葬上虞又記云耕於歷山而始寧剡二縣界上舜所耕田於山下多梓樹吳越之間名梓為櫪故曰歷山余按周處此志為不近情傳疑則可證實非矣安可假木異名附山殊稱彊引大舜即比寧懷

水經注箋

卷四

九

萬文刊

獲嘉縣有甯城而懷縣亦屬河內又媯州懷戎縣西有舜井路史國名記云陽處父聘衛過甯一作寧則寧懷並地名也更為失誌記之本體差實錄之常經矣

歷山媯汭言是則安於彼乖矣尚書所謂釐降二女於媯汭也孔安國曰居媯水之內王肅曰媯汭虞地名皇甫謐曰納二女於媯水之汭馬季長曰水所出曰汭然則汭似非水名而今見有二水異源同歸渾流西注入于河

河水又南逕雷首山西

山臨大河北去蒲坂三十里尚書所謂壺口雷首者俗亦謂之堯山山上有故城世又曰堯城闕駟

曰蒲坂堯都按地理志曰縣有堯山有祠雷首山
在南事有似而非非而是千載眈眈當作非所詳
耳

又南涑水注之

水出河北縣雷首山縣北與蒲坂分山有夷齊廟
闕駟十三州志曰山一名獨頭山夷齊所隱也山
南有古冢陵栢蔚然攢茂丘阜俗謂之夷齊墓其
水也西南流亦曰雷水穆天子傳曰壬戌天子至
于雷首犬戎胡觴天子於雷首之阿乃獻良馬四
六天子使孔牙受之于雷水之于是也穆天子傳
良馬作食

水經注箋

卷四

馬受之于昔趙盾田首山食祁彌明左傳作
提彌明翳桑

之下卽於此也涑水又西南流注于河春秋左傳
謂之涑川者也俗謂之陽安澗水

又南至華陰潼關渭水從西來注之

汲冢舊本作汲都乃汲郡
之訛吳改作汲冢竹書紀年曰晉惠公十

五年秦穆公帥師送公子重耳涉自河曲春秋左
氏僖公二十四年秦伯納之及河子犯以璧授公
子曰臣負羈繼從君巡於天下臣之罪多矣臣猶
知之而况君乎請由此亡公子曰所不與舅氏同
心者有如白水授璧於此孫云按左傳有如子推
白水授其璧於河

哭曰天開公子子犯以為功吾不忍與同位遂
焉

河水歷船司空與渭水會

前漢地志船司空縣名屬京兆尹莽改曰船利

漢書地理志曰舊京兆郡之屬縣也左丘明國語

云華嶽本一山當河河水過而曲行河神巨靈手

盪脚蹋開而為兩今掌足之跡仍存華巖

按巨靈事在薛

綜西京賦注引古語云云開山圖曰有巨靈胡者

偏得神元之道能造山川出河所謂巨靈鬮鬮首

冠靈山者也常有好事之人故升華嶽而觀厥跡

焉自下廟歷列栢南行十一里東迴三里至中祠

水經注箋

卷四

十一

狄順正刻

又西南出五里至南祠謂之北君祠諸欲升山者

至此皆祈請焉從北南入谷七里又屈一祠謂之

石養父母石龕木主存焉入南

克家云入南疑作又南

出一

里至天井井栽容人穴空迂迴傾曲而上可高六

丈餘山上又有微涓細水流入井中亦不甚沾人

上者皆所由涉更無別路欲出井望空視明如在

室窺窓也出井東南行二里峻坂斗上斗下降此

坂二里許又復東上百丈崖升降皆須扳繩挽葛

而行矣南上四里路到石壁緣傍稍進逕一百餘

步自此西南出六里又至一神名曰胡趨寺

郭緣生述

遊去山水作
大文章復
有血脈有
此亦有眼
日此則謂
文章及為
山水而後
狂被多之
皆去者野
通元此等
用筆可
為作大篇
遊記之法

征記云西南出六里又神像有童子之容從祠南

歷夾嶺廣裁三尺餘兩箱宋本兩箱崖數萬仞窺

不見底祀祠有感則雲與之平也宋本無然後敢

度猶須騎嶺抽身漸以就進故世謂斯嶺為搦嶺

矣度此二里復屆山頂上方七里靈泉二所一名

蒲池西流注于澗一名太上泉東注澗下上宮神

廟近東北隅其中塞實雜物事難詳載自上宮東

北出四百五十步有屈嶺東南望巨靈手跡唯見

洪崖赤壁而已都無山下上觀之分均矣分均字

蓋言山下上觀似有掌足之跡及至上宮而均至掌

水經注箋

卷四

粹載王涯仙掌辨曰華岳首峯有五崖比壑破巖

兩列自下遠而望之偶為掌形舊俗謂是巨靈之

跡余往觀焉河在關內南流潼激關山因謂之潼

關灌水注之水出松果之上北流逕通谷世亦謂

之通谷水東北注于河述征記所謂潼谷水者也

或說因水以名地也河水自潼關東北流水側有

長坂謂之黃巷坂傍絕澗涉此坂以升潼關所謂

沂黃巷以濟潼關矣潘岳西征賦云歷北出東嶺

通謂之函谷關也西都賦云左據函谷二遂岸天

高空谷幽深澗道之峽車不方軌號曰天嶮故西

京賦曰巖嶮周固矜帶易守所謂秦得百二并吞

考境考

此則陸門
山谷一地矣
名耳都其
不產法也

道東經法泰
河水又東沙洲
水注之皆注鹿
行道東

諸侯也

秦得百二兩語
是張載劔閣銘

是以王元說隗囂曰請以

一丸泥東封函谷關圖王不成其弊足霸矣郭緣

生記曰漢末之亂魏武征韓遂馬超連兵此地今

際河之西有曹公壘道來原上云李典營義熙十

三年王師曾據此壘西征記曰汭路透迤入函道

六里舊城城周百餘步北臨大河南對高山姚氏

置關以守峽宋武王入長安檀道濟王鎮惡或據

山為營或平城結壘為大小七營濱帶河嶮姚氏

亦保據山原阜之上尚傳故跡矣關之直北隔河

有層阜巍然獨秀孤峙河陽世謂之風陵戴延之

水經注箋

卷四

所謂風埴者也

風埴御覽引此作風堆又引戴延之西征記云伏羲女媧風姓也此

當是女媧之墓九域志云女媧墓在今潼關口河灘上屹然介河有木數株雖暴漲不漂沒也寰宇

記云河東縣三里風陵是女媧之墓秦漢以來俱係祀典南則河濱姚氏之營

與晉對岸

河水又東北玉澗水注之

水南出玉溪北流逕皇天原西周固記開山東首

上平博方可里餘三面壁立高千許仍漢世祭天

於其上名之為皇天原上有漢武帝思子臺又北

逕閿鄉城西郡國志曰弘農湖縣有閿鄉

後漢郡國志弘

農郡湖縣有閿鄉

世謂之閿鄉水也魏尚書僕射閿鄉侯

河東衛伯儒之故邑

魏志云衛覬字伯儒文帝時官尚書封陽吉亭侯明帝即

位進封閼鄉侯

三百戶閼音聞其水北流注于河

河水又東逕閼鄉侯河東與全鳩澗水合

孫云侯河當作城南

水北南山北逕皇天原東述征記曰全節地名也

圖經云全節即漢書全鳩里戾太子死處在閼鄉縣東十里鳩澗西

其西名桃原古

之桃林周武王克殷休牛之地矣西征賦曰咸徵

名於桃園者也晉太康地記曰桃林在閼鄉南谷

中其水入北河注于河

孫云北河疑作河北蓋謂河北縣也

又東過河北縣南

縣與湖縣分河蓼水出襄山蓼谷西南流于河

水經注箋

卷四

十四

熊汝龍刊二百全

河水又東永樂澗水注之

水北出于薄山南流逕河北縣故城西故魏國也

晉獻公滅魏以封畢萬卜偃曰魏大名也萬後其

昌乎後乃縣之在河之北故曰河北縣也今城南

西二面竝去大河可二十餘里北去首山一十許

里處河山之間土地迫隘故魏風著十畝之詩也

城內有龍泉南流出城又南斷而不流永樂溪水

又南入于河余按中經即渠豬之水也太史公封

禪書稱華山以西名山七薄山有其一焉薄山即

襄山也徐廣曰蒲坂縣有襄山山海經曰蒲山之

首曰其桑之山今山海經作其棗之山括地志云蒲州河東縣雷首山一名中條山

一名歷山亦名首陽山亦名蒲山一名襄山亦名其棗山亦名猪山其水出焉而西

流注于河東則渠猪之山渠猪之水出焉而南流

注于河如準封禪書二水無西南流河之理今診

蓼水川流所趣與其水相扶永樂溪水導源注于

河又與渠猪勢合蒲山統目總稱亦與襄山不殊

故楊雄河東賦曰河靈獲賜掌華蹈襄注云襄山

在潼關北十餘里以是推之知襄山在蒲坂蓼水

即渠猪之水也

河水自河北城南東逕芮城

水經注箋

卷四

十五

五國正

二城之中有段干木塚干木晉之賢人也魏文侯

過其門軾其廬所謂德尊萬古芳越來今矣汲冢

竹書紀年曰晉武功功當作公元年尚一軍芮人乘京

荀人董伯皆叛匪直大荔故芮也此亦有焉紀年

又云晉武公七年芮伯萬之母芮姜逐萬萬出奔

魏八年周師虢師圍魏今竹書作圍魏取芮伯萬而東之

九年戎人逾芮伯萬于郊斯城亦或伯萬之故畫

也畫字誤疑是疆字

河水又會槃澗

水出湖縣夸父山北逕漢武帝思子宮歸來望子

臺東又北流入于河

河水又東逕湖縣故城北

昔范叔入關遇穰侯於此矣湖水出桃林塞之夸

父山廣員三百仞武王伐紂天下既定王及嶽濱

王及嶽濱字誤當作王巡嶽濱周頌時邁所謂及河喬嶽是也放馬華陽散牛桃

林卽此處也其中多野馬造父於此得驂騮綠耳

盜驪之乘以獻周穆王使之馭以見西王母湖水

又北逕湖縣東而北流入于河魏土地記曰弘農

湖縣有軒轅黃帝登仙處黃帝採首山之銅鑄鼎

於荆山之下有龍垂胡於鼎黃帝登龍從登者七

水經注箋

卷四

十六

三百七

十人遂昇於天故名其地爲鼎湖荆山在馮翊首

山在蒲坂與湖縣相連晉書地道記太康記並言

胡縣也漢武帝改作湖俗云黃帝自此乘龍上天

也地理志曰京兆湖縣有周天子祠二所故曰湖

不言黃帝升龍也山海經曰西九十里夸父之山

其木多椶櫚多竹箭其陽多玉其陰多鐵其北有

林焉名曰桃林其中多馬湖水出焉北流注于河

故三秦記曰桃林塞在長安東四百里若有軍馬

經過好行則牧華山休息林下惡行則決河漫延

人馬不得過矣

河水又東合柏谷水

水出弘農縣兩石隄山山下有石隄祠銘云魏甘露四年散騎常侍征南將軍豫州刺史領弘農太守南平公之所經建也其水北流逕其亭下昔公子重耳出亡及柏谷卜適齊楚狐偃曰不如之翟漢武帝嘗微行此亭見饋亭長妻故潘岳西征賦曰長徵客於柏谷今西征賦作長傲實於柏谷妻覩貌而獻餐謂此亭也谷水又北流入于河

河水又東右合門水

門水即洛水之枝流者也洛水自上洛縣東北於

水經注箋

卷四

十七

王榮
三頁半

拒城之西北分為二水枝渠東北出為門水也門水又東北歷陽華之山即華陽山海經所謂陽華之山門水出焉者也又東北歷峽謂之鴻關水東有城即關亭也水西有堡謂之鴻關島世亦謂之劉項裂地處非也余按上洛有鴻臚圍池是水津渠泂注故謂斯川為鴻臚澗鴻關之名乃起是矣門水又東北歷邑川燭水注之左水出于陽華之陽東北流逕盛墻亭西東北流與右水合右水出陽華之陰東北流逕盛墻亭東北與左水合即山海經所謂緒茹之水出于陽華之陰東北流注于

門水者也又東北燭水注之水有二源左水南出
于衡嶺世謂之石城山其水東北流逕石城西東
北合右水右水出石城山東北逕石城東東北入
左水地理志曰燭水出衡嶺下谷開山圖曰衡山
在函谷山西南是水亂流東注于緒茹之水二水
悉得通稱矣歷澗東北出謂之開方口水側有阜
名之方伯堆宋奮武將軍魯方平建威將軍薛安
都等與建威將軍柳元景北入軍次方伯堆者也
堆上有城卽方伯所築也宋書元嘉二十七年大
舉北侵柳元景東馬懸
車引軍上五百丈崖出溫谷以入盧氏進次方伯堆
去弘農城五里元景引軍度熊耳山安都頓軍弘

水經注箋

卷四

農麗法起
進據潼關又東北逕入川城南謝兆申云宋本
作逕邑川城卽

漢封竇門之故邑川受其名亦曰竇門城在函谷
關南七里又東北田渠川水注之出衡山之白石

谷東北流逕故丘亭東是薛安都軍所從城也其
水又逕鹿蹄山西山石之上有鹿蹄自然成者非

人功所刊歷田渠川謂之田渠水西北流注于燭
水燭水又北入門水水之左右卽函谷山也門水

又北逕弘農縣故城東城卽故函谷關校尉舊治
處也終軍棄繻於此燕丹孟嘗亦義動雞鳴於其

下燕丹子曰丹去秦夜到關關門未
開丹爲雞鳴衆雞皆鳴遂得逃歸可謂深心有

感志誠難奪矣昔老子西入關尹喜望氣於此也
故趙至與嵇茂齊書曰李叟入秦及關而歎亦言
與嵇叔夜書及關尹望氣之所異說紛綸並未知
所定矣漢武帝元鼎四年徙關於新安縣以故關
爲弘農縣弘農郡治王莽更名右隊劉桓公爲郡
虎相隨渡河光武聞而善之其水側城北流而注
于河河水於此有洹津詳下文當之名說者咸云
漢武微行柏谷遇辱竇門又感其妻深識之饋既
返玉階厚賞賚焉賜以河津令其鬻渡今竇津者
是也故潘岳西征賦酬匹婦其已秦胡厥夫之謬

水經注箋

卷四

官袁豹之徒並以爲然余按河之南畔夾側水濱

有測

一作澗
或作津

謂之涇津河北縣有涇水涇津其水

南入于河河水故有涇津之名不從門始蓋事類

名同故作者是之竹書穆天子傳曰天子自寘軫

乃次于涇水之陽丁亥入于南鄭考其泂歷所鍾

路直斯津以是推之知非因門矣俗或謂之偃鄉

澗水也河水又有左右一水其水三源疏引俱導

薄水南流會成一川其三水之內世謂之閑原言

虞芮所爭之田所未詳矣又南注于河河水右會

水注之水出南山北逕曹陽亭西陳涉遣周章入

秦少符

史記秦少府章邯

章邯斬之於此魏氏以為好陽

晉書地道記曰亭在弘農縣東十三里其水西北

流入于河河水又東菑水注之水出常烝之山西

北逕曲沃城南又屈逕其城西西北入河諸注述

者咸言曲沃在北此非也魏司徒崔浩以為曲沃

地名也余按春秋文公十三年晉侯使詹嘉守桃

林之塞處此以備秦時以曲沃之官守之故曲沃

之名遂為積古之傳矣河水又東得七里澗澗在

陝西

孫云陝西陝縣之西也

七里故因名焉谷水自南山通

河亦謂之曹陽坑是以潘岳西征賦曰行於漫瀆

水經注箋

卷四

二十

桂

之口憩於曹陽之墟袁豹崔浩亦不非其地矣余

按漢書昔獻帝東遷逼以寇難李傕郭汜追戰于

弘農澗天子遂露次曹陽楊奉董承外與傕和內

引白波李樂等破傕乘輿於是得進復來戰奉等

大敗兵相連綴四十餘里方得達陝以是推之似

非曹陽然以山海經曰求之菑曹字相類是或有

曹陽之名也河水東合譙譙水導源常烝之山俗

謂之為于山蓋先後之異名也山在陝城南八十

里其川流也二源雙導同注一壑而西北流注于

河

又東過陝縣北

橐水出橐山西北流又有于水出南山北合逕崖
峽北流與于山之水會出于山東谷兩川合注于
崖水又東北注橐水北流出谷謂之漫澗矣與安
陽溪水合水出石峭南西逕安陽城南漢武帝封
上官桀爲侯國也潘岳所謂我祖安陽也東合漫
澗水北有逆旅亭謂之漫口客舍也

又西逕陝縣故城南

又合一水謂之瀆谷水南出近溪北流注橐其水
又西北逕陝城西西北入于河河北對茅城故茅

水經注箋

卷四

三十一

三百六十一

亭茅戎邑也公羊曰晉敗入大陽者也津亦取名
焉春秋文公三年秦伯伐晉自茅津濟封峭尸而
還是也東則咸陽澗水注之水出北虞山南至陝
津注河河南卽陝城也昔周邵分伯以此城爲東
西之別東城卽虢邑之上陽也虢仲之所都爲南
虢三虢此其一焉其大城中有小城故焦國也武
王以封神農之後於此王莽更名黃眉矣戴延之
云城南倚山原北臨黃河縣水百餘仞臨之者咸
悚惕焉西北帶河水湧起方數十丈有物居水中
父老云銅翁仲所投處又云石虎載經於此沈沒

二物並存水所以湧所未詳也。或云翁仲頭髻常
出水之漲減恒與水齊。晉軍當至。髻不復出。今唯
見水異耳。嗟嗟有聲。聲聞數里。按秦始皇二十一年
長狄十二見於臨洮。長五丈餘。以為善祥。鑄金
人十二以象之。各重二十四萬斤。坐之宮門之前。
謂之金秋。皆銘其胸云。皇帝二十六年。初兼天下。
以為郡縣。正法律。同度量。大人來見臨洮。身長五
丈。足六尺。李斯書也。故衛恒敘篆曰。秦之李斯號
為工篆。諸山及銅山。山當銘皆斯書也。漢自防。防
作阿房徙之未央。前俗謂之翁仲矣。地皇二年。王莽

水經注箋

卷四

夢銅人泣。惡之。念銅人銘有皇帝初兼天下。文使
尚方工鑄滅所夢銅人。膺文。後董卓毀其九為錢。
其在者三。魏明帝欲徙之洛陽。重不可勝。至霸水。
西停之。漢晉春秋曰。或言金秋泣。故留之。石虎取
置鄴宮。付舊本。是符字。吳本作付。誤。堅。又徙之長安。毀二為錢。
其一未至。而付堅亂。百姓推置陝北河中。於是金
狄滅除。一作以為鴻河巨瀆。故應不為細梗。躡湍
流。宋本無。流字。長津碩浪。無宜以微物屯流。斯水之所
以濤波者。蓋史記所云。魏文侯二十六年。虢山崩。
壅河所致耳。獻帝東遷。自夕潛渡。墜坑爭舟。舟指

可掬亦是處矣

後漢書曰李傕郭汜遷獻帝至陳董承承揚奉等以人有離心夜乃潛

過河使李樂先度具舟船舉火為應帝步出營臨河岸高千餘丈乃縋縋而下餘人或匍匐岸側或從上自投死亡傷殘爭赴船者不可禁制董承以戈擊披之斷手指於舟中者可掬既到大陽止於

又東過大陽縣南

交澗水出吳山東南流入河河水又東路澗水亦

出吳山東逕大陽城西西南流注疑有脫落水入于河

河水又東逕大陽縣故城南

竹書紀年曰晉獻公十有九年獻公會虞師伐虢

滅下陽虢公醜奔衛獻公命瑕父呂甥邑于虢都

水經注箋

卷四

三三

王國

地理志曰北虢也有天子廟

漢志河東郡大陽虞所封邑有天子廟

王莽更名勤田應劭地理風俗記城南大河之陽

也

河水又東沙澗水注之

北出虞山東南逕傳巖歷傳說隱室前俗名之為

聖人窟

十三州記云大陽縣屬河東郡傳巖在其界今住穴尚存

孔安國傳傳

說隱於虞虢之間即此處也傳巖東北十餘里即

巖幹坂也春秋左傳所謂人自巖幹者也有東西

絕澗左右幽空窮深地壑中則築以成道指南北

之路謂之為幹橋也

穆天子傳已丑天子南登薄山真幹之隘乃宿于虞郭

注云今幹橋西南懸絕中央有兩道

傳說傭隱止息於此高宗求夢

得之是矣橋之東北有虞原上道東有虞城堯妻
舜以嬪于虞者也周武王以封太伯弟虞仲於此
是為虞公太原地記所謂北虞也城東有山世謂
之五冢冢冢上有虞公廟春秋穀梁傳曰晉獻公
將伐虢荀息曰君何不以屈產之乘垂棘之璧假
道於虞公曰此晉國之寶也曰是取中府置外府
也公從之及取虢滅虞乃牽馬操壁壁則猶故馬
齒長矣即宮之奇所以謂虞虢其猶輔車相依唇
亡則齒寒虢亡虞亦亡矣其城北對長坂二十許
里謂之虞坂戴延之曰自上及下七山相重戰國
策曰昔騏驥駕鹽車上於虞坂遷延負轅而不能
進此蓋其困處也橋水東北山溪中有小水西南
流沙澗亂流逕大陽城東河北郡治也澗水南流
逕注于河河水又東右右一作南左右積石土柱二溪
並北發大陽之山南流入于河是山也亦通謂之
為薄山矣故穆天子傳曰天子自鹽舊本作臨巳丑南
登于薄寘軫之澄乃宿于虞是也

又東過砥柱間

砥柱山名也昔禹治洪水山陵當水者鑿之故破

水經注箋

卷四

二十四

王國

河北郡魏太和
十一年置

山以通河河水分流包山而過山見水中若柱然故曰砥柱也三穿既決水流疎分指狀表目亦謂之三門矣山在虢城東北大陽城東也搜神記稱齊景公渡于江沈之河龜銜左驂沒之衆皆脫一驚字惕古冶子於是拔劍從之邪行五里逆行三里至于砥柱之下乃龜也左手持龜頭右手挾左驂燕躍鵠踴而出仰天大呼水爲逆流三百步觀者皆以爲河伯也亦或作江沅字者也若因地而爲名則宜在蜀及長沙按春秋此二土並景公之所不至古冶子亦無因而騁其勇矣劉向敘晏子春秋

水經注箋

卷四

稱古冶子曰吾嘗濟于河龜銜左驂以入砥柱之流當是時也從而殺之視之乃龜也不言江沅矣又考史遷記云景公十二年公見晉平公十八年復見晉昭公旌軒所指路直斯津從龜砥柱事或在茲又云觀者以爲河伯賢於江沅之證河伯本非江神又河可知也舊本作又何可知也何字亦衍河之右則嶠水注之

出河南盤嶠山西北流水上有梁俗謂之鴨橋也歷澗水東北流與石嶠水合水出石嶠山山有二陵南陵夏后臯之墓也北陵文王所避風雨矣言

山徑委深。峯阜交蔭。故可以避風雨也。秦將襲鄭
蹇叔致諫而公辭焉。蹇叔哭子曰：吾見其出不見
其入。晉人禦師必於崤矣。余收爾骨焉。孟明果覆
秦師於此。崤水又北，左右合西水，亂流注于河。
河水又東，于崤之水注焉。

水南導於于崤之山，其水北流，纏絡二道。漢建安
中，曹公西討巴漢，惡南路之險，故更開北道。自後
行旅率多從之。今山側附路有石銘云：晉太康三
年，弘農太守梁柳。元和郡縣志引此作梁柳，按玄
姑之子也。官
安春秋云：梁柳是皇甫士安從修復舊道。太崤以東西，明非

水經注箋

卷四

三六

三五

一崤也。西有二石，又南五六十步，臨溪有恬漠先
生翼神碑，蓋隱斯山也。其水北流，注于河。河水翼
岸夾山，巍峯岐舉，羣山疊秀，重嶺干霄。鄭玄按地
說：河水東流，貫砥柱，觸闕流。今世所謂砥柱者，蓋
乃闕流也。砥柱當在西河，未詳也。余按鄭玄所說
非自西河，當無山以礙之。自砥柱以下，五戶已上
其間一百二十里，河水竦石桀出，勢連襄陸，蓋亦
禹鑿以通河，疑此闕流也。其山雖闕，尚梗湍流，激
石雲洄，濞波怒溢，合有一十九灘。水流迅急，勢同
三峽，破害舟船。自古所患。漢鴻嘉四年，楊焉言從

河上下患砥柱隘可鑿廣之上乃令焉鑿之裁沒
水中不能復去而令水益湍怒害甚平日魏景初
二年二月帝遣都督沙兵謝兆申云沙部監運諫
議大夫寇茲帥脫一五千人歲常修治平河咀晉
秦始皇三年當作晉秦始三年五月武帝遣監運太中大
夫趙國都匠中郎將河東樂世帥衆五千餘人修
治河灘事見五戶祠銘雖世代加功水流湍澹濤
波尚屯及其商舟是次鮮不踟躕難濟故有衆峽
諸灘之言五戶灘名也有神祠通謂之五戶將軍
亦不知所以也

水經注箋

卷四

二十七

換

又東過平陰縣北又東至鄧清水從西北來注之

清水出清廉山之西嶺世亦謂清營山其水東南
流出峽峽左有城蓋古關防也清水歷其南東流
逕臯落城北服虔曰赤翟之都也世謂之倚毫城
蓋讀聲近傳因失實也春秋左傳所謂晉侯使大
子申生伐東山臯落氏者也與倚毫川水合水出
北山礦谷東南流注于清清水又東逕清廉城南
又東南流又會南溪溪水出南山而東注清水又
東合棗澗水水出左人嶺下南流俗謂之扶蘇水
又南歷奸苗北馬頭山赤疑作白宋本無白水原

西南逕垣縣故城北史記魏武侯二年城安邑

垣卽是縣也其水西南入清水色白濁初會清流

流注宋本無流注二字乃有玄素之異也清水又東南逕

陽壺城東卽垣縣之壺城東卽垣縣之壺丘亭晉

遷宋五大夫所居也清水又東南流注于河

河水又東與教水合

出垣縣北教山南逕輔山高三十許里上有泉不

測其深山頂周員五六里少草木山海經曰孟門

東南有平山水出于其上潛于其下又是王屋之

次疑卽平山也其水南流歷鼓鍾上峽懸洪五丈

水經注箋

卷四

飛流注壑夾岸深高壁立直上經崖秀舉百有餘

丈峯次青松巖懸瀕石於中歷落有翠柏生焉丹

青綺分望若圖纒矣水廣一十許步南流歷鼓鍾

川分爲二澗一澗西北出一百六十許里山岫迴

岨纔通馬步今聞喜縣東北谷口猶有乾河里故

溝存焉今無復有水一水歷治官西世人謂之鼓

鍾城城之左右猶有遺銅及銅錢也城西阜下有

大泉西流注澗與教水合伏入石下南至下峽山

海經曰鼓鍾之山帝臺之所以觴百神卽是山也

其水重源雙發南至西馬頭山東載謝兆申云坡載疑作微

次字入微
下字不共

下又伏流南十餘里復出又謂之伏流水南入于
河山海經曰教山教水出焉又南流注于河今山海經
作西流是水冬乾夏流實惟乾河也今世人猶謂
之為乾澗矣

河水又與畛水合

水出新安縣青要山今謂之彊山山海經曰河長

澗水北流入于河山海經曰青要之山畛水出焉

即是水也此處錯誤當云山海經曰青要之山河

水又東正回之水入焉水出驪山彊山東阜也東

流俗謂之彊川水與石等瓜川合出西北石澗中

水經注箋

卷四

二十九

東南流注于彊水彊水又東逕彊冶鐵官東東北

流注于河

河水又東合庸庸之水山海經作

水出河南垣縣宜蘇山俗謂之長泉水山海經曰

水多黃貝伊洛門也其水北流分為二水一水北

入河一水又東北流注于河

河水又東逕平陰縣北

地理風俗記曰河南平陰縣故晉陰地陰戎之所

居又曰在平城之南故曰平陰也三老董公說高

祖處陸機所謂皤皤董叟謨我平陰者也漢高祖

魏文帝改曰河陰矣

河水西會濬水一作右會

水出垣縣王屋西山濬溪夾山東而流逕故城東
卽濬關也漢光武建武二年遣司空王梁北守濬
關天井關擊赤眉別校皆降之獻帝自陝北渡安
邑東出濬關卽是關也濬水西屈逕關城南歷軹
關南逕苗亭西亭故周之苗邑也又東流注于河
經書清水非宋本作非也是乃濬水耳